

PERAKUAN PENDAFTARAN KONTRAKTOR TEMPATAN (PPK)

Pendaftaran PPK hanya dibuka kepada syarikat yang diperbadankan di Malaysia serta mempunyai pegangan ekuiti tempatan tujuh puluh peratus (70%) dan ke atas. Sekiranya terdapat pegangan ekuiti asing didalam syarikat pecahan yang dibenarkan adalah seperti dibawah :

- i. Ekuiti asing yang dibenarkan tidak melebihi 30% dari jumlah modal
- ii. Ekuiti asing dari negara ASEAN dibenarkan tetapi tidak melebihi 51% dari jumlah modal
- iii. Ekuiti asing dibawah Perjanjian Perdagangan Bebas (FTA) :
 - a) Malaysia – Australia : ekuiti asing tidak melebihi 49%
 - b) Asean-Australia-New Zealand : ekuiti asing tidak melebihi 49%
 - c) Asean-Korea: ekuiti asing tidak melebihi 30%
 - d) ASEAN – China: ekuiti asing tidak melebihi 30%
 - e) Malaysia – Pakistan : ekuiti asing tidak melebihi 49%
 - f) Malaysia – Jepun : ekuiti asing tidak melebihi 30%
 - g) Malaysia – New Zealand : ekuiti asing tidak melebihi 49%
 - h) Malaysia – India Comprehensive Economic Cooperation Agreement: ekuiti asing tidak melebihi 51%

**Nota : Sebarang perubahan akan dimaklumkan dari masa ke semasa.*

1.0 Skop Pendaftaran

Setiap kontraktor didaftarkan mengikut:

- i. Gred
- ii. Kategori
- iii. Pengkhususan
- iv. Pengkelasan

1.1 Gred Pendaftaran Kontraktor

Setiap kontraktor akan didaftarkan oleh CIDB mengikut gred pendaftaran berdasarkan kepada keupayaan dan kemampuan kontraktor memenuhi syarat-syarat kriteria pendaftaran kontraktor yang telah ditetapkan. Gred pendaftaran kontraktor adalah untuk menentukan had keupayaan menender / menjalankan kerja, rujuk **Lampiran 3**.

1.2 Kategori Pendaftaran Kontraktor

Terdapat empat (4) Kategori pendaftaran iaitu:

- i. Pembinaan Kejuruteraan Awam (CE)
- ii. Pembinaan Bangunan dan (B)
- iii. Mekanikal dan Elektrikal (ME)
- iv. Fasiliti (F)

Kontraktor boleh memohon kategori pendaftaran seperti di atas berdasarkan kepada kerja-kerja yang akan dilaksanakan. Walau bagaimanapun penetapan Kategori adalah berdasarkan kepada kelulusan akademik dan pengalaman personel teknikal rujuk **Lampiran 4**. Pada umumnya permohonan baru akan diberikan :

- i. Kategori B dan CE sahaja.
- ii. Kategori ME akan diberikan sekiranya syarikat mempunyai personel teknikal yang memiliki sijil teknikal/ sijil kelayakan akademik berkaitan bidang pembinaan.
- iii. Kategori F akan diberikan kepada syarikat yang mendaftar perniagaannya dibawah pendaftaran ROC (Sdn Bhd/Bhd) /Suruhanjaya Koperasi Malaysia (SKM) atau Jabatan Pendaftaran Pertubuhan/Persatuan Malaysia (ROS). Syarikat tersebut mestilah berdaftar

dalam Gred G4 ke atas. Syarikat juga perlu memenuhi kriteria personel teknikal seperti **dilampiran 4**.

1.3 Pengkhususan Pendaftaran Kontraktor

Setiap pengkhususan akan didaftarkan dibawah kategori dan gred pendaftaran kontraktor. Pada umumnya permohonan baru akan diberi pengkhususan B04 dan CE21 sahaja. Walaubagaimanapun pengkhususan M15 juga akan diberikan sekiranya syarikat mempunyai mempunyai personel teknikal yang memiliki sijil teknikal/ sijil kelayakan akademik berkaitan bidang pembinaan / orang kompten / pendaftaran dengan Agensi lain. Bagi pengkhususan F01/F02 juga akan diberikan sekiranya syarikat memiliki personel teknikal yang mempunyai sijil kelayakan akademik dan mempunyai pengalaman dalam perkhidmatan fasiliti atau penyenggaraan (resume)/ sijil akademik berkaitan bidang pengurusan fasiliti (hanya untuk syarikat ROC,SKM,ROC gred G4 dan ke atas sahaja)

Bagi pengkhususan yang lain seperti di **Lampiran 5** penetapan pengkhususan adalah berdasarkan kepada surat tawaran kerja atau Sijil Kecekapan Pengurusan yang dikeluarkan oleh CIDB bagi memperolehi pengkhususan yang telah ditetapkan.

Pengkhususan Melibatkan Akta lain / Peraturan lain / Orang Kompeten

Pemohon yang memohon pengkhususan seperti di **Lampiran 6** perlu memenuhi keperluan seperti yang ditetapkan. Pada amnya pemohon yang memohon pendaftaran hendaklah memenuhi mana-mana undang-undang atau peraturan bertulis yang melibatkan aktiviti yang akan dilaksanakan jika beliau didaftarkan. Mana-mana pengkhususan yang melibatkan Akta lain dan telah tamat pendaftarannya dengan Agensi berkenaan akan menyebabkan pengkhususan tersebut terbatal.

1.4 Status Pengkelasan Pendaftaran Kontraktor

Pemohon dikehendaki untuk mengemukakan/mengisytiharkan maklumat projek yang dilaksanakan sepanjang tempoh tiga (3) tahun terkini pendaftaran sebelumnya untuk penetapan status pengkelasan. Pengkelasan Perakuan Pendaftaran kontraktor adalah seperti berikut:

BARU

Kontraktor yang baru berdaftar.

AKTIF





Kontraktor tempatan yang di award projek dalam tempoh tiga (3) tahun terkini atau mempunyai projek sepanjang tempoh pendaftaran berkuatkuasa.

DORMAN

Kontraktor yang tidak dianugerah sebarang projek .

Perubahan status pengkelasan Perakuan Pendaftaran Kontraktor (PPK) boleh dilakukan di dalam sistem CIMS dengan mengisytiharkan maklumat projek yang dilaksanakan dalam tempoh 3 tahun terkini dan membuat permohonan kemaskini maklumat syarikat. Yuran Proses adalah sebanyak RM30.00 dan Yuran Pendaftaran RM100.00

RINGKASAN GRED, KATEGORI DAN PENGKHUSUSAN

GRED & KEUPAYAAN MENENDER/ MENJALANKAN KERJA			KATEGORI		PENGKHUSUSAN
G1	Tidak melebihi RM200,000.00		B Pembinaan Bangunan		B01 - B29 CE01 - CE43 M01 - M23 E01 - E35
G2	Tidak melebihi RM500,000.00		CE Pembinaan Kejuruteraan Awam		
G3	Tidak melebihi RM1,000,000.00		ME Mekanikal dan Elektrikal		
G4	Tidak melebihi RM3,000,000.00		B Pembinaan Bangunan		B01 - B29 CE01 - CE43 M01 - M23 E01 - E35 F01-F02
G5	Tidak melebihi RM5,000,000.00		CE Pembinaan Kejuruteraan Awam		
G6	Tidak melebihi RM10,000,000.00		ME Mekanikal dan Elektrikal		
G7	Tiada had		F Fasiliti		
Rujuk Lampiran 3			Rujuk Lampiran 4		Rujuk Lampiran 5 & 6